

箕

谷

詩

鈔

質谷詩鈔卷十一

海昌查

揆梅史著

奉赴新安途次雜述五首

江風狂西來江流迅東往峭帆欲南渡三者互崛偃之字有  
妙理欲下折使上風順浪逆之進咫尺以丈須臾到彼岸適  
得意所想紛紛掣鯨魚驚喜俱鹵莽擊楫吾師乎微言寄秋  
榜

一峯忽離立翩然孤燕起折勢欲頽頽翔泊何能已偶爾契  
山心詎足肖物理不謂此中人稱名已若彼鳴旁八九家卵  
翼或有以年年春風來銜花入窠裡

燕子鳴

肥蠶不入地社公爲聾神徒爲中野嘆何以慰勞民民勞信

可念民驕不易馴昨者什伍輩饒斂喧城闔攀轅豈爲罪強  
橫法所伸自古董戒用爲政無因循軍門况愷悌齋戒夜向  
晨奔走其僚屬癡香行佚佚將謂和氣至坐待甘澤均茲行  
適原野其俗樸以醇早禾久登望新穀已在困但苦不再熟  
無由洽婚姻共聽父老言婦孺多在畛始知力田者多非昨  
見人

凌晨渡溪去婉變多漚麻紛然出手爪剡縷何萍葩麻鹿嘶  
黃白蘂瘦撐槎枒餘者如積薪厝火何足嗟禮奢與其儉俗  
貧風則嘉上山歌采葛下山唱浣紗我亦緝緝沈漂絮何爲  
耶

一層復一重四面青芙蓉肩輿出其裡如行花瓣中山深無

廣輪冠蓋何由通  
九泥不能塞  
縣苦猶嫌衝  
秋陽暴  
驢背負  
戴知蘊隆  
我僕尙如此  
何況田間農  
幸非行水使  
一笑山黛濃

尹家滙道中書所見

路遶空江幾曲斜  
青山影裏有人家  
年荒未辦仙郎飯  
無數胡麻開白花

山深日午尙聞螭  
秋綠成村老未凋  
忽聽書聲見茅屋  
青楊

何妥白楊蕭

人家多種柳樹大皆合抱

團蕉轉水桔槔多  
昨夜空占豕渡河  
江水不來沙岸潤  
花牛將犉卧青莎

出貴池東門至齊山道上

空水搖山綠如雲壓女牆孤亭吞野色隔浦閃江光秋早穉  
楊短風疏簫葉香爲言賢令尹輸灌此肥鄉

青陽道中望九華山

一檐前導走且驕梵唄如沸驚雲濤心知朝山九華近仙靈  
雜沓求其曹芙蓉縹緲不可接其上杲杲青天高欲往從之  
苦凡骨未除五濁心忉忉誰與健者金地藏能以勇猛驅靈  
鼇一袈裟地得幾許無遮遮已窮神臯歡喜贊歎善男子立  
地成佛拋屠刀大千賢劫俱幻相多事樓觀爭翔翱爾時歸  
心有萬衆煮土爲飯無乃勞土可爲飯飯作土人心轉變如  
輪尻我於彼法亦有取因緣兩字非皮毛慧能神秀未出世  
前此異域多英髦竺法蘭輩盛講會侈陳像設誅蓬蒿茲山

道場亦迥異非南北誰能撓文成儒者契禪旨淋漓墨汁  
何其豪明心見性道所道直與良知爭絲毫法界去此祇卅  
里盤空欲掣神鷹絛花宮一步一回首曼陀羅底聞雲璈

青陽縣齋與白雲話舊

于役適山縣所喜多故人爲治果何術泊然存其真其言愈  
抑抑其氣何恂恂其民多在野其穀多在囷飯罷日無事頌  
法稱先民山牕吮毫素朱墨猶在脣涼秋髮松雨肅然開清  
鈞彼哉學申商摘發驚如神勉我先忠告次乃哀我貧家人  
具難忝不知誰主賓歡然舊童僕各道平生親

凌次仲先生往予遇諸西湖時方佐謝蘊山方伯輯西  
魏書不見者垂二十年頃以事至歙訪之則已死於紫

陽書院無子遺一妾阮儀真夫子所贈也妾既無所歸  
猶戀戀惟側不忍去顧無有能成其志者愈可悲也曾  
西井太令爲經紀其喪而并歸其妾于其妾之父予至  
歛後數日西井爲言其顛末如此西井有輓詩三首哭  
之如其數

然燭如椽日才名第七車著書翻誤汝歸骨并無家講院零  
星字空山躑躅花更誰披葛帔輸與在西華

太息摩笄泪淒涼擁髻宵去如秋社燕來記浙江潮緣短情  
爲累途窮魄易銷彭宣今已矣絲竹想無聊

五十何爲者難爲牖下情悲來歌當哭論定死猶生梵演無  
生法碑刊有道銘陳雷風義古哀唱滿江城

過窮嶺

初日未上光熹微繁星煜煜霑人衣迴岡一轉徑路絕蒼厓  
惟見羣鴉飛羣鴉飛去巖閃電鴉背微茫通一綫闌干閣道  
相周遭時有山花吹片片人家曲折隨山隈水口湧現金銀  
臺青林一束峽勢緊豁然又見通衢開何來大聲爲鐘鏞逐  
人澗水馳風驟轟雷頃刻去已遠礪礪一一嬌青紅豈知奔  
流出我後駿快又與前山通此時巉巖立如鐵萬怪旁皇聚  
倉卒之而鱗爪兩玉龍生擘芙蓉破空出忽然脚底沟雲濤  
萬山兀兀多動搖罡風搏擊飛雨驟其上白日停空霄非雲  
非水須臾改杲杲諸峯冠霞采興丁自謂湯口人指點前頭  
卽黃海



山樓

梵樓何窈窕客思自娟娟山暗月生綠河明星欲然清狂原  
結習小住亦因緣不耐申韓術高眠卽問禪

渡新安江至紫陽書院訪吳禮部卽送入都

過江厓岸逼微徑折崇岡葉響林先雨潭空水欲霜戴憑誰  
奪席卜式尙爲郎行矣成傾蓋離情不可詳

戲簡

專城坐擁惠文冠揖客堦前話總寒身是優俳詞賦客不知  
嚴助是尊官

傲刺纔通小史嚙鄭櫻桃亦粲歌唇如何長柄葫蘆外更作  
宣明面向人

程忠壯祠

倣擾梁陳際將軍武節高宗人隨鐵軸義旅肅銀刀甲楯能  
謀越芻蕘罷戍漕青絲迴白馬無奈壽陽勞  
龍漢俄塵劫臺城故國秋倉皇呼狗脚慟哭下牛頭周處蛟  
猶泣劉琨劍亦愁湘東何事業目極楚江流  
太息徐陵檄燕犀百道攻騰書降樂毅受歎泣臧洪鼓吹頒  
全部圖形次上公六朝陵寢盡配食想藏弓  
廟貌猶家祭千秋此伯才空堂聞咤叱大隧走風雷翠葆仙  
靈集神絃鳥雀猜可無燕許筆碑版劇崔嵬

汪王廟

縱橫牛斗擘星茫颯爽英姿異姓王萬歲山開隋大業六州

地領漢丹陽雲靄古篆緇龕蝕龍虎陰符絕壁藏何似羅平  
妖鳥盡鈿車花滿錦衣鄉  
飛樓甲觀翠微中宣歙羣峰翊梵宮薜荔夜呼山鬼雨旌幢  
晴殿大王風江湖俊杰知孫策甥舅勲名笑竇融可惜祁連  
高塚在不隨褒鄂論英雄

上嶺至白岳

天門不可卽人天此分界白雲爲導師來吾以汝介辨色青  
蒼端一綫路倒挂梯空逼象緯搜險出幽怪時恐壓頂峯風  
雷倏崩壞軒然老松樹拔地亦苦隘撲人鬼慄慄攙輿猿臂  
快心魂凜虛無聲聞眩澎湃資此勇猛力盪胸極兩戒濟勝  
復夷然登高古所憊

由中和亭折而西憩桃花澗

攀蘿已百仞計里尙山麓危徑甚基累竦厓須肉薄步轉石  
撞懷勢仰松生腹稍焉得嘉憩遠覽亦搖綠桃花幾時開深  
磴弄琴筑微聞草木香恍若蹊徑熟山深更無人誰與媚幽  
獨

黑虎巖

蒼黃暮靄來闐然毛色動空林逼陰森驚氣吞湏洞捫幽步  
已疑聞名意先悚闕如果何爲飲羽伏荒茸樵牧拔牙鬚颺  
颺戲肩踵念彼帝釋力屹然山岳重青猊相娛嬉蓮花自噴  
涌至今深壑底但見神骨聳僕夫怯詡談狐鬼笑翦冗路無  
道士履旁有餓夫塚餘怒或未平腥風出其孔卓哉屈伸機

我佛曰智勇

循天門歷彌陀巖羅漢洞觀音巖鸚哥石諸勝尋珠簾  
泉不見

玉壙聳天際閭闔排空明蹴踏萬獅象力士飄颯旌幽巖入  
厚地潛沫通浮瀛雷霆蟄其內下閭嬰兒聲何年善法堂講  
會天人迎曼陀綠鸚舞蜿蜒蒼龍耕銅鑲闕瑤室甲帳開丹  
甍如何瓊姬去不見珠簾橫日暮下山谷蒼蒼空復情

香爐峯

嵯峨太素宮煙雲大供養元構旣莊嚴天冶乃奇淑如彼白  
毫光於中見圓相萃律金浮圖湧地出華藏妙香騰清空天  
花散無量其旁捨身厓幾人得無恙鐵索絙千尋金繩或可

上鮎升古亦愁猿挂神益王不見羣真來爐竈已飄蕩

晚入榔梅庵有道士汪某自言爲太素宮提點與語了  
無所得因謝去獨坐有作

裂月撐霆十賚文相逢酒不醉聲聞一杯易辨淄澠合七日  
誰知混沌分霜氣行空聽若雨巖光無際浩於雲夜來一片  
虛明想嘉穀蝗螟我亦云

月夜太素宮西里許至三姑峯下

二更羣動息月出山蒼然竹光泣不已與月相嬋娟三姑渺  
何許雲姿擁高髻寒鳥睡無聲巢痕夜墮地青林中爲誰側  
弁呼龐眉回頭語三姑五老來相窺

夜宿太符道院

卷十一  
荒寒草閣一峯分人定蒲牢隔院聞山月大於前見地始知  
今夜宿齊雲

邇邇朝真閣歲華銀房玉柱漫驚沙夢來福地無文字愁絕  
仙卿蔡少霞

齊雲山明正德間始有國醮從吏部尙書汪鉉請也自  
後凡七遭祠官論者頗以是少之今山中紫霄厓迤西  
摩厓題名及詩率多汪作

武宗漢武之罪人威武法曲彈清鈞神仙何有况方術古來  
封禪徒紛紛臣吏部鉉昧死請齊雲凌歊出孤曼就中特起  
集靈臺嶽笑川騰頌仁聖斜封墨勅中使來曼陀花雨青蓮  
開黃金裏驪好裝束奏言萬歲聲如雷文成五利妄男子相

如王褒亦文史大臣獻替當奈何涓涓不絕爲江河君不見  
鳳皇鷁鷁鈴山下後來乃進青詞者

自漁亭入懸兩山對峙夾澗而西石徑橫出截崖之半  
仰逼翠屏俛窺波鏡鳴鳥不聞樵歌相答延光竚景霞  
采凌亂徑之高下與山逶迤山之曲折隨溪宛轉凡二  
十里過譙貴谷潯陽臺桃源洞耽幽忘疲賞奇無窮匪  
獨咏歌抑形寤寐云爾

孤引不覺遠筇將穿雲根陵緬溯昨夢杳靄娛今魂淒節已  
秋末深壑猶春溫微徑善繚曲折勢難追奔澗谷互眷戀光  
景相吐吞欬聲亦清遠流響前灣聞

谿身猶龍騰捲峽作巨浪颺颺各驚竄草木亦悽愴我行斷



厓底灘響翻在上巋然潯陽臺爽籟變清曠如聞謫仙人於  
此發高唱鬱鬱青霞姿終古見驕亢浮名亦何有刊刻爭得  
喪君看垂綸者何由別真妄

羊腸已百轉坡谷無盡時忽從清澗底下見墦一枝彎環卽  
前路飢渴安足辭凌虛迴閣道悠然得山茨巖舍半茶戶山  
綠霑其髭桃源果人世武陵亦安知意外各驚喜但苦所到  
遲從者以目語似嫌主人癡此事似眠食人各安所私

吳明府話潁州舊事有作

吳公治行一時冠捕賊何如趙廣漢道旁赤棒肅如神蒼隼  
盤空見精悍憫懷拜斗寒糲糊枯冢月黑啼妖狐西門下令  
誅師巫堂皇股栗崔大夫吾戴吾頭萬里始蕭育杜陵一男

子多少携蒲博進侯公等紛紛顏色死大鳥不飛亦不鳴層  
乾吻燥裏君卿講詩飲酒山水縣手彈清散爲商聲商聲激  
楚臣已老六十衰翁何懷抱可憐三五少年時霹靂應手風  
鬣馳

成太守席上醉歸口號

公讌從來掾史才堦前揖客魏鄒枚官廚愛喫桃花米不負  
新安太守來

釵挂臣冠夜未央

是夕演劇

江南詞客劇荒唐東頭爲語狂司馬

可要公儀辱范滂

謂郡丞某

吉陽行館夜坐有懷榕園

萬峰圍獨夜百感聚中年寒重酒如雨月高山化烟去留爭

樂餌俛仰媿韋弦何處逢涓子頎然見古賢

自黔縣赴祁門過西武嶺作

孤城當垓心合沓圍羣峰藉非破空出何由闢榛叢征鳥方  
疾厲徒御徂自東迤南見凹凸咫尺路當其衝有如下弦月缺  
處知可通芋田劃岡阜澗女頭飛蓬高低雜負戴樹影搖青  
紅回望所來路雉堞煙冥濛念我循良宰別思還忡忡楚然  
復百里濶步隨奔洪

祁門行亂山中有觸示山中人

時方有  
棚民案

山深飢虎夜巡村磳戶荒寒野色昏却與溪雲來往熟松花  
如雨不關門

茅屋高春澗水渾紅酣櫟葉見霜痕石田儘有閒家計但種

青松長子孫

祁門卽事

祁春門迴倚秋陽下有滾流百派長雲趁無心歸白岳山盤  
遠勢入浮梁民驕巖邑防宜峻歲稔閒田訟反忙不爲登臨  
生慨息蹲鴟此事總荒唐

時棚民滋訟日甚

忽漫

忽漫征車輾輾過依稀山縣有琴歌名流餽餽須寒具小坐  
趺跏愛養和啼笑事看官裡慣寒溫語厭酒前多回思進退  
從容日悔煞輕拋舊菱荷

楠木嶺望齊雲石橋巖

時棚民已四散

阻奧秦鄣郡鴟梟徙已東川原莽迢遞樓觀迥高空嶽色飛

青雨丹光走白虹  
瓊梯不可級  
極目送飛鴻

行休歛山間

板輿得得復恹恹  
大礪深巖曲屈通  
秋老野花吹雪白  
葉搖微雨洗霜紅  
荒郵縣吏徵茶稅  
機俗邨巫祝社翁  
何事道旁臺笠笑  
長官來似馬牛風

題朱五參軍照

新安之水清且深  
參軍續續彈秋琴  
新安之山日搖綠  
參軍畫蘭兼畫竹  
竹竿可釣水可漁  
參軍之廳無簿書  
浩浩乎水育育魚  
懷抱豈與前人殊  
練溪三月春波裡  
琴聲未歇釣絲起  
一竿嫋嫋漾空煙  
彷彿蕭郎出腕底  
十六不足十五餘  
茗亭顏色紅芙蓉  
陽城下蔡嫣然笑  
參軍之意不在釣

昉溪

富資水與昉溪水盡日琤琮送客還攔人半赭半黃樹迎面  
大青大綠山墮空桐子落如枕捫壁苔紋圓似鰕與丁歡笑  
僕夫喜天氣未寒時日閒

筋嶺宿天竺禪院卽事

鳥耘火種絕壁上山色都如破衲衣靈園含愁真宰怒朝三  
暮四仍苦飢

今年包蘆以水涼歉收

草枯石爛意思惡忽見竹光管映人入門一笑見初日便證  
僧彌法護身

十月二十日俶裝回省行抵太平寄積堂

犯寒歧路手頻分急遞荒郵叫鴈羣遠樹皴鹿焦墨點好山

耕破斷琴紋因緣桑下留三宿跋扈尊前冠一軍倘被過江  
名士問歸來黃海一身雲

由三折嶺至密崖關二十餘里危峯大澗蔽日虧雲高  
峻不及窮嶺而奇矚駭狀似爲過之

奔湍欲西上嶺勢故左牽忿爭始開闢相持今幾年我從壁  
上觀間道升其巔豈知複壁底清暉彌芳妍雲華映草木餘  
澗爲蒼煙於時秋葉零墜響吟哀弦笙竽憂萬歎泠然疑其  
仙

### 望華亭和白雲明府

膚寸爲雲雨斯民禱有年主名爭嶽瀆吾道小神仙休息三  
農澤靈奇九朶煙讀書何事業接跡想前賢

亭刊陽明先生詩讀書九華時

也作

丹陽舟次同頻迦作

曲阿濠水近江渾  
白塢丹樓映郭門  
吳下歸艚多綴尾  
秦餘高岸尙如髭  
譚兵判被孫郎笑  
載酒還從杜牧論  
等是殘年復殘客  
一鐙無侶話黃昏

江行卽事用前韻寄琴鳴

峭帆往矣水萍渾  
隔岸金焦對作門  
蕭瑟六朝全似夢  
疏狂一石肯輪髭  
此行李郭真心契  
失笑曹劉付目論  
只恐長官嫌惡客  
闖然通刺已燈昏

行抵鑾江再疊前韻寄琴鳴二首

火畧溫墩酒畧渾  
落然人事語單門  
蘆根風定豚還拜  
鷗頂



絲涼髮未髡重客無多應小住故人好在許高論揚州舊夢

如相憶曾否韋郎店定昏

聞素雲在邗上

渡江風利笑王渾竹馬兒童亦應門別久休驚詩老瘦酒深  
判遣燭奴髡看花紕繆容平視說餅風流與細論身是狂僊  
晚聞道不須辛苦權朝昏

湘靈峯用東坡雪浪石韻

并序

石在真州城西榮園汪氏故物也相傳姜如農先生  
宰此邑厭過客之擾無所咎咎諸石主人惡焉園廢  
而石僅存雲臺中丞爲署今名伊墨卿太守亦有題  
字予與頻迦以嘉慶庚午冬仲過此訪之頻唐于疎  
篁野蔓間頻迦悲石之淪落不偶而爲之詩輒同其

韻

石有不遇荒園屯譬無佛處偏稱尊摩挲銅狄三百載坐閱  
人代如朝昏翩乎翠袖出修竹子然瘦骨棲江村娉婷不嫁  
亦已矣當時曾傍誰朱門七竅已鑿渾沌死六巫忽幻蜚廉  
魂行尸走肉禱且媚女蘿窮窈言不根夜深無人髑髏語狐  
火照見青苔痕天之生是乃使獨盛衰轉燭姑無論紗帽洲  
上萬煙竈鱗鱗瓦屋爭牢盆纖兒細女勿相笑歸然賴此靈  
光存

琴鳴新葺縣齋爲讀書之所擬移此石於中顏其額曰  
湘靈館再次前韻

使君千騎東方屯少年叱馭輕王尊眼明忽見鬱林石魚龍

跋浪瀟湘昏小姑彭郎既心許善謔小比朱陳村壘瓏百竅  
天所忌惜乎劫火經雷門風鬟霧鬋尙百態五斗亦醉心魂  
魂巧偷無謂况豪奪驢馱裏移雲根瑯嬛仙館有題字髣  
髴潮齧江波痕衙齋拓地過十笏數椽淮屋君休論揚塵東  
海可三歎萊陽一語成覆盆石交有約期必踐確乎息壤今  
猶存

琴鳴得東浦酒三百瓊分餉同人并設宴湘靈館慶落

成也頻迦沈小宛孝廉

欽韓

有作復踵前韻

翹船萬斛江上屯正苦枵腹皤如尊海岳堂中踏筵舞九枝  
燭彭搖黃昏孔融魯國一男子醉膽直欲吞江村可憐物色  
到塵土眼中誰是侯夷門美人欲來歲云暮悄然病骨蘇秋

魂上皇山人以石告百夫雷動移山根當時閉置豈相厄銅  
山鉛淚淒無痕清風明月古無價文犀薏苡誰當論卿用卿  
法我用我匏爵嫌小傾圓盆掀髯一笑謂蘇季君視吾舌依  
然存

皴雲石用前韻

并序

石爲恪順吳將軍贈家伊璜先生者舊在樸園園廢  
石爲他人所得陳曼生明府冀予歸之先爲寫圖沈  
小宛郭頻迦各有詩予重感其意而惜力之未逮也  
聊同斯作以誌不忘

紛紛四鎮蟲沙屯蝶粉去矣空琴尊

先生盛聲伎其翹楚曰  
蝶粉爲東平侯劉澤清

所奪梅花識已付夢幻

梅花謠先生  
自製院本

無愁天子齊東昏樓船下

瀨亦好事樸園稍近烏夜村大書深刻皴雲字詩事有集貽  
家門百年已歸沙叱利欲以墨妙羈其魂雲光出手太淋漓  
英耶韶耶搗山根旁人爭識到公石譬如泡影猶留痕連城  
不復償趙壁世無廉閻將誰論槎枒芒角出酒膽飲三荷葉  
如翻盆乞君爲題石請客此詩此畫聊告存

琴鳴招同人游北山寺次王逢原韻同頻迦作

我抱冬心僵不死堂頭來問此心安諸君嘯咏避三舍忽爾  
蒼茫感百端五厲壇開荒塚聚六朝山送隔江寒一雙白鳥  
幾青竹未必山僧耐獨看

再次前韻調琴鳴

出城隔一牛鳴地午飯行廚竹裏安張葢游山猶傲吏攢眉

入社自愁端翹如驚脚與丁劣瘦入秋空佛骨寒簿領未閒閒亦嬾江山先讓老夫看

黃海樵

燕燦

招同人小集寓齋疊前韻

酒龍詩虎輸公等千里猶來訪呂安入坐危絃無改調諱窮狂語輒更端舊游慷慨五君詠此指讀書平日風塵一士寒欲乞零縑寫殘墨歸裝還壓畫叉看

送小宛人都疊前韻

如槃之燭如淮酒爾汝相呼計校安勉矣此行年尙少黥然翻悔見無端乾腴子真容兀界鬱輪袍敢辱孤寒比來吳越多奇氣不肯逢人白眼看

題阮公子小雲吟館圖并奉懷雲臺夫子

北固江山入畫圖六朝煙翠未模糊此才不讓廣陵集有客  
相尋雙社湖胥浦寒流歸莽蒼蕭梁懷古託歌呼樊南甲乙  
紛紛在東閣何緣貢令狐

與頻迦同訪曼生於邗江行館酒次口占並示仲恬

鴻豫

高犀泉

日濬

江聽香

五千卷書崔儵室二分明月杜牧詩今我不樂歲云暮扁舟  
乘興將何之

曾題禪智山光寺舊狎唐昌玉藥花懊惱笛聲吹不了記來  
沉醉那人家

揚州送鐵珊入都次頻迦韻

時鐵珊主阮小雲家

江北江南路交親感慨中綈寒憐范叔臺迥弔吳公明月三

分在臣書十上工韓溝嗚咽水別曲未應終

風流曹李事古意未全銷星宿高樓迥虬螭大樹搖故人多

卓絕公子劇風標鄭重懷恩義斯文豈寂寥

去去淮流洶浮沉萬竈呼舊成三禮賦鐵珊天津召試二等應獻九

頭圖鑿鑿懷奇策詹詹笑小夫側聞宣室對前席劇相須

將返吳門頻迎有作卽次其韻

歌嘯有神夏仲御顛毛欲薙賈長江仙人掌憶柳三變時方與頻

迎自眞州訪柳七墓不得揚州夢無柑一雙酒多此夜復惜別句好吃然

如受降天明客子浩將發霜痕白齧枯楊椿

聽香同行曼生亦約繼至再用前韻和頻迎

一櫂長風沙上過迎鑾鎮記湖空江柳車例近送窮五瓜步



新添不借雙風有奇功  
帆力健酒如大敵睡魔降  
相期後夜陳蕃榻爲話  
淮流已釘椿

京口舟次用頻迦韻

市人鴉鵲何浩浩中兩黃鶴橫過江  
豪來彥道臬一擲歸少陽  
羨田十雙老蒼各道此日異呼嘯  
不知餘子降吞吐海門吸山綠  
京口遠樹低如椿

後塢村居圖爲張子貞

參作

三天子都園嵯峨但苦田少青山多  
田少更苦石磴礧紅杭扶寸纔如莎  
風淳俗樸不歸去老薑奈此村居何  
瘦身如鶴昂藏馬老薑乃是欽寄者  
不作寒溫兒女語乞我淋漓詩筆寫  
右軍誓墓非尋常歐公思潁亦老蒼  
烏聊山色落眼底何

異秀野荒山莊高歌浪浪不能已日下雲間差可喜有田不歸如江水吁嗟老輩亦老矣

舟中望金山用東坡妙高臺韻

金碧弄窈窕江斐戲龍子擲舟大波中出沒凡幾里紅船江

名睨而笑惜此百錢耳危坐丐人天浮玉一峯起孤墻蠹如

鍼遠岸低作几怯此魚龍魂念我犬馬齒平生空意氣目送尾閭水想見雪眉者觀空亦如是艱危生道心谷神了不死

昨在真州訪仙人掌柳屯田墓不得歸渡京江與頻迦慨嘆及之卽用前韻

昔言銅雀妓絕勝羊叔子感慨一何深浮湛恥鄉里江淮間異人北風吹馬耳庶幾仙人掌九原或可起牛羊阿廐墳一

例平若几爭墩曾傳會醜語辱頰齒可憐諸女郎麥飯并華  
水白楊嘯悲風抔土竟誰是殘月挂真州淒涼篴聲死

將歸龍山用前韻

杜陵有瘦妻泉明憐通子歸來博一笑若河清九里公等行  
皆去吾亦欲東耳文章積習久江湖付陳起豐干勿饒舌先  
生卧隱几才乃不勝貧角者去其齒翻然誓墓心此言如白  
水回頭四十年野馬塵埃是噩噩全其天毋鑿混沌死

海昌詩人鍾半人貧病且老丐同人爲助用前韻

將以蜀富人持較佛窮子如行百里者乃半九十里盛衰亦  
平等紛紛食以耳微塵世界中生滅一漚起坐卧龜支牀古  
苔塌裴几符郎久不作太息習鑿齒蕭蕭破屋風涓涓涸轍

水何不食肉糜此言姑舍是侏儒飽何如臣朔飢欲死

不寐有懷仲弟肩吾客都下

不寐難爲獨漉心酸風篷罅若相尋夢痕與月兩無着寒事  
如山了不禁波響暗疑魚上簷燈昏潛覺鼠翻衾燕南尙有  
勞人在鄉思何如此夜深

和頻迦疊前韻

向曉參橫獨此心琴河舊夢有人尋鄂君繡被間何闊萼綠  
閨門愁不禁昔昔幾回燒短燭騷騷何苦戀重衾記來讀曲  
收香候剗襖閒堦夜每深

呂城次頻迦韻

擊汰吳波併兩船風流二老白漚然心如隄水多縈帶詩逼

禪機欲豎拳烏鵲依枝猶永夜白衣搖舫定何年江湖一種閒懷抱除却窮愁我亦仙

頻迦約予移居魏塘堅之以詩次韻奉答

打頭學舍小於船風漢耽書我復然食肉羣公誰炙手藏鉤世事本空拳移來家具須排日嬌絕梅花好待年祇恐負他湖上約結茅先已許逋仙

次頻迦寄韻香之作甲子冬與琴鳴北上舟次錫山訪諸福慧雙修庵雲萍相值韻香未必知予詩成亦不必寄韻香也

赤馬南船疊鼓摻相思石闕口猶銜靈飛妙蹟鴻留爪慧觀流光電在巖優鉢花空應住却迦陵鳥熟肯題凡濟尼別有

神通在咒得征夫盡駐帆

不見晚香三年矣聞其杜門讀書舟過錫山風利不泊  
口占卻寄并訊蓉裳先生關中消息

船孃煖酒玉手撒風檣如馬櫪初銜西神山寫馬一角四靈  
詩好蕭千巖閉門無事亦謝客高卧有心聊發凡問訊關西  
夫子在孟津曾否上歸帆

簣谷詩鈔卷十二

七

海昌查 揆梅史著

題頻迦空山獨往圖

冬十一月歲在午孟浪扁舟出江滸故人作吏無一錢但道  
年豐飯如土淮南濩落有霜露江北清流足官府相逢有蟹  
無監州酣嬉淋漓互勞苦與君素衣各爲緇况爾儒冠自嫌  
腐醉中謂我君差強有母明年六十五登堂設饌比茅郭齧  
指思歸契鄒魯盛年勿憚莊生犧老我真羞噲等伍陳侯亦  
是賢達人感此頻以手畫肚停毫竚墨啞然笑尙記少年氣  
如虎羣兒乞巧向天孫稽首言詞妙吞吐貴不願爲執金吾  
富不願作大腹賈但願長醉不苦飢睡足東南日照戶雲中

彷彿榮玉齒此願難償何況汝君今此圖得無似妄想清閒  
與天忤陳侯勿言予有說意則誠夸語中膺人生窮達付所  
遭擾擾肯爲街子侮髯參軍耶短主簿能令公喜令公怒拂  
衣徑去勿復言背後紛紛何足數羊裘大澤求自見淮陰胯  
下亦不武酒酣擲筆橫渡江高浪如山一枝艣

頻迦約明春訪予龍山喜而賦此

爭說三都要士安扁舟何日到河干歸偏鱸膾秋風後門有  
枯桑海水寒質庫多知窮姓氏酒人相尙古衣冠能來一飯  
無餘事萬箇簞管教客看

十一月廿二日同人會飲百一山房走筆呈爽泉古雲  
諸君同頻迦作



蒼江欲暮白日移不遑將毋誰所羈中年倔強尙如此歲晚  
向人多媿詞北風撼撼枯桑枝思兒顏色無人知阿弟書來  
說健飯婆娑戲弄孫如兒竈下厮養有怨詈瘦妻黽勉烹伏  
雌窮愁已矣勿更道酒狂欲作生蛟螭過江連蹇意思惡言  
語拘怒形於詩贊歎小說泣欲涕排斥莊論佯爲癡孫郎少  
年亦健者讓爵不怕旁人訾燉煌戊將建牙纛當時帳下司  
巾匣門高籍厚謝不敏是豈有意爲酣嬉東鄰謁客馬如電  
獨與貧賤鐫心脾星辰南斗北有箕文章刻苦皆好奇坐中  
磊落高與郭尻高首下聲嚶呶傾吐瑣細斥妻孥搜括古初  
窮軒羲道路乃有骨肉愛風塵所嘆憂患貽諸君勿言僕愧  
息吾儕兄事灌與絲馬少游語已綿邈羊舌虎輩多危疑心

長髮短固然爾。談錫狼藉甘其飢。親者反疏。疏轉篤。可憐世事真如碁。書云孝乎聖所誠。腐儒動或遭鄙夷。酒酣念我兩弱弟。奔走南北風馬馳。姑布子卿顧而笑。車中蔡澤何支離。不如打包且歸去。上堂一進春酒卮。

秋白孝廉赴禮部試過吳門訪余於百一山房出移居圖屬題次小湖韻卽以贈行同頻迦作

偈仄復偈仄。相逢顏色槁槁顏。我則然歲寒。要自保君今。察孝廉卓犖。見懷抱。執手無他言。令名以爲寶。慎勿僕輩如鳩。告予不好。

少壯有三好而我無。一二所要好茅茨風雨畧可避。前年京洛歸八口。尙如寄依然。處囊中顛倒作毛遂。東家有德色。糲

鋤亦爲利百千葺西偏運甓尙可記雖復苦卑濕稍可驚親  
誼卽此屋打頭駟馬非吾事買鄰或千萬還以易叔季

聞君移居日家具高於山錢刀吾勿論卷軸堆幾間里嫗詫  
且笑耳語傾其鬟非漁復非樵謠詠騰煙灣此中局促士騷  
耳方在閑坦懷白日杲魑魅羞神姦鴟梟忽已徙漚鳥忽已  
還

笕橋有夙約不踐今逾年非雲任舒卷那趁樵風便勞勞役  
人事所苦逾賈遷譬諸嬖姍疾乃反懟車船秋涼過黃鶴擬  
拍洪崖肩正愁溪潦縮又被淫霖煎西湖三宿留廢然遂言  
旋歛門如郭老首夏翻我先酣嬉一斗墨狼藉徑寸璫君今  
試禮部肯讀思頴篇小范亦落莫避俗嫌羶鮮或者春水生

趙趙臯亭前伊吾凍蠅雨快絕牕紙穿紛紛程不識眼底值  
幾錢

牽船岸上行棲泊竟何處寥寥兩酒人風雪未歸去袖刺半  
漫漶崛強不肯署可憐四十年流光乃乘遽非無雲霞交無  
毀已勝譽枚生俳優文俛首下嚴助公等信知己既貴亦可  
慮一官况浮湛凜平朽索馭他年保社約幸念平生語

頻迦爽泉尙留吳門僕與積堂俶裝先歸頻迦酒次有  
作卽次其韻並示古雲

其人磊落各寄欽白水溫盟定可尋漸覺頽唐知老至不嫌  
覩縷見交深沈酣一例判犀首然諾平生有季心妄欲五湖  
范少伯裏蹏何計事黃金

年豐一首索葑湖同作

年豐夔嗜飽烏鴉翁媪豚蹄祝滿車此樂何關寒士事開顏  
如看別家花似聞搜粟仍都尉浪說探丸有狹邪到底多收  
三斗穀社錢爭掠買魚鰕

葑湖再疊前韻見示酒次率 and

紛紛社火有神鴉遲爾間門送柳車祭竈藉沾殘臘酒尋春  
預約隔年花婢供菜把呼如願兒畫桃符爲辟邪記否小時  
冬學散層冰沙觜健籠鰕

與葑湖小飲疊前韻

張羅門外祇昏鴉坐上何堪更少車沙蟻含芒工射影雲蟲  
作雪未成花狂來猊鳳難諧俗老去神羊諱觸邪與爾糟牀

爭酒幟拍張髯亦怒如鰕

葑湖旣去獨酌頽然疊前韻時咳疾未已

痛飲拼如渴水鴉不勞上藥洗河車醉餘沙蛤塵冰柱脆甚

園壑嚼凍花杜野小辛成孟浪

子甫自京口歸

封胡過末本琅邪年

來只合瞞騰過具眼紛紛水母蝦

十二月十七日內子生日次前韻

飛蓬爾許隙髯鴉十六年餘此鹿車顛倒裳衣還警旦青紅  
兒女總如花寒簪點綴裁方勝雌劍蒼涼話莫邪畧與圍爐  
暝巾幌重簾鬢莫卷冰鰕

經歲奔走勞苦顛顚形慙其影匪獨騎省所云我年四十  
而有二毛而已歲暮遄歸稍得休息引酒自酬旣醉

而吟輒復獻嘲仍疊前韻示葑湖予同歲生也

浩浩何分誰與鴉勞人悼老卽前車甲穿重趼頑如蛻疥裂  
蒼皮暈作花忌諱從人呼去病迂疏望景說歸邪平生不獨  
彭其誤爾雅猶疑鯢大鯢

鬼牀先生摹家初白老人蘆塘放鴨圖屬題卽用橘社  
集自題原韻四首

故紙區區價抵綾滄浪亭外好風乘記來燕市諸年少金彈  
橫飛出五陵

橫漲橋東證舊聞家雞野鷺太紛紛能知百廿年間事除是

西山白鷺羣

自題詩作于庚熙庚午距今適兩周甲

間隨書局領東山簑笠煙波縹緲間爭說漁兄漁弟事占來

查浦又查灣

細雨帆牽落照紅圖僑畫札有餘風分明自况天隨子老向

江湖號長翁

細雨東風兎牀先生書畫舫也

張陶北

東懷

將婚勗之以詩

春風吹人長亦如桃李枝老醜那復道及取年少時羊車善  
窈窕藉手招嬙施銀燭光爛熳洞房吹參差此心爲膏沐意  
得皆華姿豈無朝飛雉粥粥求羣雌物情有宣暢應候懷其  
私皇矣古君子二南彈朱絲

繡段一萬匹駿馬三百羣橫空施步障四角羅囊分蘭脂與  
麝馥夾道何氤氲觀者或耳語好惡徒紛紛微詞到翁姬事  
遠多傳聞東家有寒士聘錢何足云牽羊古爲禮聊可通殷



勤貧賤不可諱自待將安存無爲流俗看他日高爾門

吾與若翁交汝時髮未燥汝吾婦之甥汝母吾如嫂愛汝好  
頭角太息汝孤早暈勉有妻孥三十未爲老榮悴信定分慎  
勿介懷抱卽如吾初婚其事亦絕倒鹵莽作齊贅輒被雞犬  
惱三月挈婦歸廟見亟灑掃徒步禮所難籃輿如栲栳三百  
青銅錢輿丁意嫌少遂令坐處穿嗔噓到鄰媼我時了不忤  
閨房或見小至今兒女前舉此尙相勸當時丈人行嘖嘖謂  
予好

古者冠而字男子有美稱此禮旣弁髦著代將無徵居然此  
三加冠與婚相仍餽羊苟不廢俗簡意則矜明乎有家始成  
人要能勝鳴絃導仙侶小鳥飛青陵旣絕棄位妓惑溺何由

懲求野此新獲從俗聊當應

女子婚禮成乃如墮地始懵懵不相識遑問誰某氏忽然舉  
之去顛倒著牀第三朝見尊嫜徘徊問娣姒漸俗改裳衣方  
音移口齒可憐父母恩去與路人似灼灼女蘿花寄託桐與  
梓纏綿或稍乖磐石亦徒耳糟糠不下堂斯言有深旨所要  
下機心勿爲蘇季子

家銘三州司馬以十二月八日生是日俗餉臘八粥司  
馬作四十初度詩有天教食粥省求人之句輒和其韻  
二首

四十丹黃已等身讀書南阮未全貧  
一瓢盞粥有奇味莫便尋常說與人

腹臘膏騰舊酒痕歸來還約醉雲根與君漸破兒曹惱脫畧  
猶嫌老物尊

葑湖餉冬笋次東坡餽歲詩韻爲謝時去除夕四日耳  
遂并次別歲守歲二詩邀葑湖同作

閱歲日老橫孤往孰爲佐菜把致非難雖貧不可貨嚴寒龍  
蛻骨歷此辛盤大惜不留明年成陰著高卧自餘唯凍菹宮  
商嚼滿坐佚佚鹿走險營營螳轉磨懵然了不聞醉飽亦吾  
過詩成笑老饒例捉子由和

右餽歲

小時愛散學每苦新年遲新年倏已舊少與老相迫將老不  
爲少生也安有涯與君同歲生墮地秋風時薄少分不足糠

乾何有肥勞苦寸陰惜酬以貧薄悲以此咎諸歲歲亦難爲  
辭中年詎戚戚念我慈顏衰

右別歲

嬌兒寫春勝塗抹蚓與蛇嬌女飮餅餌燈影雛鬟遮山妻顧  
我笑奈此癡愁何嬌兒且勿黷嬌女且勿譁影堂家祭罷坐  
聽更鼓搥瓦盆散梨栗錯落星斗斜飛騰過四十萬事成蹉  
跎汝曹復催我暢好旁人誇

右守歲

榕園過訪和詩有我老無壑鹽責逋空滿坐之句再次  
守歲韻以廣之

能來歲云暮惆悵風憐蛭爲言薛下券萬紙相要遮此事自

纏縛學道將云何我言未及已難犬驚且譁打門亦俗例謀  
甚漁陽搥不見壞墻缺百道衝泥斜可知人事拙豈獨君蹉  
跎如聞寒號鳥得過已足誇

辛未正月十日坐雨內子乞作迎春詩口占示之

十日谿雲凍欲癡略嫌春到閨年遲老梅翻要誇僥倖開及  
東風爛熳時

餞歲冰奩雪屋中圍爐隔牖尙嫌風宵來一樣簾櫳雨比與  
嚴寒已不同

明日立春微雪再成二絕句

門外春風響雪車凍雲裝點野人家肥蠟入地蝗蝻盡餘力  
猶能壓萬花

臘前三白已漫漫吹上春幡霰又寒剛說年豐復愁旱人情  
原自感恩難

午刻有晴意再示葑湖稻生

一桁晴光欲裊煙開元經好卜新年老夫愛逐兒童戲但祝  
高風放紙鳶

簪弟梅兄取次開伯歌季舞亦須才一般茅屋春無價不是  
黃金賺得來

菜花

翅塵如雨雨如絲春在休疑造物私未免嫌餘金粉氣儘能  
看到子孫時參差燕麥東西隴點綴鳴桃三兩枝草草便關  
饑饉事行田會否長官知

菜花一首意已盡矣葑湖稻生諸弟一再和之引伸不已又復斐然次第如葑湖之數

夾埭沿波淺復深煙光晚晚獨相尋無寥節物春分候振觸英雄老去心土潤雨纔成破塊煙濃天特借微陰年來尙逐俳諧體五字黃花似散金

放晴天氣動新煙壤耒園童笑欲顛上已風光修禊水夕陽門巷太平年無多仄冶青裙稱如此韶華白屋偏依舊髻絲禪榻畔劉郎去後一潛然

咬春已過送春遲棱棱溪田見濯枝野色自圍桑苧宅荒坡爭發佛狸祠貧貪至味防羊蹴老戀餘香覺蜨癡大好三家村入畫宮黃小樣醺鷺兒

菰青薺白總重儻小墩閒勝取次栽學佛漸排齋日過討春  
難賺少年來髻高影颭紡車雨俗以清明日簪菜花畦暖人喧吸井甕  
二十四番風信好吹噓無分也能開

今簣簣谷海棠一本先曾祖手植也花時與諸弟小集  
於此葑湖有詩子亦繼作三首

青藤纏古墻蒼蘚繡老屋吾祖之所居愛敬到草木斐然吐  
紅紫莞爾媚膏沐當時爛熳開歲久漸孤獨吟屢泣春魂游  
冶觸晴馥百年幾榮悴蜂蝶見已熟弟輩或未知欲說眉屢  
蹙

於菟七八月與爾同年生六齡入小學坐此軒牕明課餘逞  
憨跳襟袖飄繁英肩隨兩仲子學語纔如鶯頭顱忽老大所



媿爲諸兄攀條一貢涕歲月焉能爭

參商不忍言舊事夙所見割宅此西頭吁嗟吾少賤芟夷并  
根株迴颺咽悽戀須臾數姓更逝者去如電餅金值幾何餘  
花照歡晏吾兒讀書處依舊輕紅冑卅年旦暮耳蹙蹙善自  
遣勗哉昆弟心知言此其選

南廬贈貓先之以詩作長句奉訓來詩有只愁飽飯垂  
頭卧鼠子依然攪五更之句偶有所觸輒引以相質非  
故反其意也

釜中生魚范滂蕪老饒頻頻蒸壺盧年豐米賤雞狗飽餘粒  
猶得分飢厯固知此輩少爲貴倘欲盡去無乃愚何來俊物  
藉手贈謂是乳穀新於菟圓花暈奪玳瑁色怒睛點漆睢以

肝徐家策貓七十事詩好已探驪龍珠如君刻意愛神駿浪  
游萬里還相須鴉鵲關前厭潼酪蠨螋塞外彎雕弧九邊行  
色何所有一貓一僕朝昏俱往者相逢在京國花陰卧榻勦  
聲麗醉時搖尾上肩背荷荷脫口銜其鬚吾知此意特寄耳  
憊渴亦與常人殊歸來窮薄輕江湖僕年三十眠猶孤貓之  
勞苦豈如僕匹以老狸今生雖就中其一玉雪膚斑文如母  
餘則無雄聲噉然竈妾喜入門鼠輩先亡逋亡逋如彼亦已  
矣豈足盡伏張湯誅不捕不可捕有道貓乎且卧紅氍毹

題東山吟榭畫冊爲沈雪帆作

邈矣東山社相看髣欲霜舊游如雨絕吾輩幾人狂碑記夏  
評事才憐盛孝章不堪五君詠回首憶山王

查范餘風在諸君或庶幾貧偏人事拙見每故鄉稀白社留  
前約蒼顏覺昨非爲言僑與札圖畫陸探微  
瘦沈才新出翩翩又一時吳歌三婦艷宋槩九僧詩如爾真  
疏俊依人或詆譏賈生正年少所到詎能知

### 詰狸

貓爲野狸所齧踰刻斃主人憎狸之暴也作詩詰之  
貧家少六畜無蹠蹠毛羽雞不勞司晨狗不勞守戶役物物  
于物生煩惱悲苦先生知其然晏如坐環堵東家有伏尻搖  
尾飯香午門戶固無須羶薌或在脯只此見忠厚了不關喜  
怒今年蠶滿筐戢戢相媚嫵山妻質春衣燔魚祀馬祖謂宜  
迎貓來庶免鼠子侮入門告司燿厨媪口吞吐貓小或跳梁

貓豕或翻無或貓眠尿溺或貓齧齧貓戲伺蛺蝶貓很銜  
鸚鵡或踞龜觚驕或搏灰堆舞凡貓所別勦司命幸相許初  
來託贈貽瑟縮出筐管蝟磔毛斑爛狐疑色消沮未可方么  
豚詎便例乳虎閉置委裊褥餒飼屏臭腐失母晚愈哀向人  
聲更楚朝來貼耳馴稍稍窺尊俎野狸爾何來覘曰餽其杵  
逡巡入蠶室故若斗步禹貓穉謂母來噉然行索乳儵起扼  
其吭鋒豈敵爪距紅蠶方三眠食葉響如雨勢捷固不防物  
微誰爲主主人召野狸來前聽吾語烏鼠有同穴貉獾亦同  
處氣類合程馬依附聯蜚駢胡爲鴛雛嚇吞噬到儔侶佛狸  
古所託文狸亦靈圉獨孤事貓兒爾輩久爲蠱子孫日以繁  
饑餓曷齒數當時塗山歌瓜跡昧前武猶豺相跳跟顛越日

四五漢家三尺法熱視若無覩爾皮不足寢爾肉不足脯鼎  
鑊有餘腥昕夕還待汝

南廬招同東莞釀飲了園無日不醉醉輒爲詩

橐橐墻根曳履聲客來不速未須迎狂謀白酒麝麻老涇近  
黃梅胸臆晴與物希夷君亦爾故鄉渾噩我無名買山萬一  
羊裘約西笑何勞羨踐更

憚南田侍其父遜菴先生訪祝開美孝廉墓于鶴山以  
詩弔之康熙壬寅春也孝廉後人六皆上舍裝潢成卷  
乞題其後二首

公車門竝上書還

遜菴亦嘗上書申救劉忠介

浩劫風輪忍閉關慟哭尙

餘晞髮集

丙戌以後累至山陰祭忠介公并爲行狀

遺民猶賸讀書山影寒僧帽

儒衣外

遜菴晚年  
嗣法靈隱

春老免葵燕麥間贏得秋墳啼謝豹梅松

枝許故人攀

酹酒楓根泣野燐可知白首尙如新老悲羣紀忘年友死作

膺滂著錄人穿冢似聞滄海事

謂翁洲事

輓歌猶見義熙民比來

勝國諸臣錄祠祀應能慰所親

### 題稻生花朝乞酒冊子

風風雨雨太無憀愁逐胥江上下潮況是蕭琛正年少可容

無酒過花朝

作意膏騰向索郎著些踈野著些狂要他百甕黃泥圻亂揮

桃花三兩行

予意樵項聖謨酒裏桃  
花本更逸趣橫生也

糟邱臺迥約澆春上巳風光待浹旬莫笑劉伶寒乞相室藏

斗酒尙無人

時弟尙未婚

常熟與古雲話舊

舊家池館太平湖劍佩風流玉鹿盧宰相文章奇石記宣和  
鈴印上河圖公然移疾辭棲爵或有微詞託謫觚憶煞梨花  
閒院落月明嫌白雪嫌麗

塵海流言已滿車中年萍合又天涯却穿東郭先生履重過  
南湖上將家陳迹不堪風掃籜冶游無奈霧看花得他恭敬  
臨叩令第一文園酒可賒

就君重話習家池烏目山光映玉卮篋裏罪言如杜牧坐中  
兄事媿袁絲論才各有傳人想中酒渾疑下第時氣味如中酒唐人下  
第詩也輸與蕭梁仙館畔高文巉絕伏靈芝時雲伯將作招真治記

前桔槔篇

飢蚊掉尾投空瀧。亂鴉接翅翻迴塘。中央橫貫生鐵軸。三十六輻風輪張。社公乞雨如乞漿。暴日豈足咎。巫烝浮湛俛仰。不得已。誰知百折爲心腸。驕陽炙面。颯欲殭。水螫齧骨。癢成瘡。低昂作勢。脚盡重。伊嚶相和歌。無腔調。停機事入仁術。迂儒苛論非通方。先農制器尙未及。誰能赤手迴滄江。江南五月苦熱毒。行田使者毋相忘。君不見秧鍼刺水波。平岸乃是老農背上汗。

後桔槔篇

團焦如蓋。亦如屋。旁有枯楊。或叢竹。海鄉無牛。牛其人。同水。家家挽車軸。軸長一丈尺。又強支以空椿。如兔伏其規。三園。



中倍之武庫森然瞻其腹腹之所直爲車箱箱中何有有百  
輻聯翩上與軸赴節菑以指輞爪奏轂軸迴輻轉尾相銜渴  
驥奔騰泉萬斛有聲彷彿牛鳴盎作勢低迴蛇赴壑心知候  
旅或行田目笑羣兒爭裸逐年豐但覺獄訟稀陌廣誰知雞  
犬熟午餘好雨一犁外飽飯車溝眠碌碌君不見榴花壓髻  
紅欲死饑婦來言租吏至

新竹二首

自扶瘦竹幾竿斜且省敲門過別家微幸牽牛無著處上稍  
閒放兩三花  
當時櫻筍充厨日白木長檣手自芟玉立如今過五尺旁人  
猶笑老夫饒

松棚成索南廬和之

壤垣不過肩隱几不容丈其東逼庖漏其西鄰僧駟此外更  
無地尺寸亦難踴室中校有餘安研託疇曩攜書就山妻老  
醜亦可想啁雀喧朝飢鳴蛸聒夏紡無已坐此間強名曰書  
幌稍稍理箱篋纍纍雜褻族譬如蝨處禪又况牛鳴盞前年  
款冬歸瑟縮謝三黨暑景匿南陸驚颺日莽蒼謂是北牖然  
結夏固無雨燥濕逐土宜轉移直反掌炎曦固無私風伯亦  
偏彊公真愚公愚萬事冀其儼缺望出奇計尋直尺可枉山  
松本爨材取足不費緡其餘竹與麻值錢亦相仿揮手謝斧  
斤左右役厮養柱蠹或過牆椿深無藉榦縱橫青竹竿襍裊  
鶴毛篲低矮纔及梯撐拄間用杖初見影氍毹漸覺風泱泱

祇此遠炎蒸依然得高明  
開尊聚朋儕忘形祛骯髒  
阿咸亦掩關溽暑况疴痒  
臨溪有竹樹意尙不自廣  
我法尙可用不癡諒非罔

題吳仲圭畫弁山清曉

茗月已銜照際曉猶蒼然  
近視乃非月盲映空中泉  
泉聲去幾里短竹橫村前  
人家秋夢痕繚繞茗山煙  
畢逋棲翩靜沆瀣蘂草鮮  
晨光分曉暖舊影含延綿  
巖厠徑路絕谷響聲聞捐  
此時梅花衲坐誦楞伽篇  
自然出清峭妙諦參諸天  
起居白鷗鳥至正今幾年

松棚二首

何處移籊籊松棚日易遮  
青黃毛厖亂高下柱欹斜  
葉密墻

西柘藤牽屋角花一般閒點綴偏稱老夫家

草草行窩就邀涼著苦吟撐撐奴輩事踈野早年心捐及虬  
枝瘦攤書山影深晚風吹餅餌閒話尙相尋

### 竹衫

熱毒謝祇稠裸醜避堂構被炙炷癰瘡遭蒸出饋餽暑景曜  
離明風占絕異絲楊襲諒負重頂踵亦在疚縲妄想蠶涼綃  
虛丐鮫貿初嫌巾帶重亦覺麻苧陋紉荷託牢騷衣銖誑嬌  
幼詞譎或難竟匠巧乃在宥淇材斫么麼魯削春迭奏斷竹  
續竹然一經一緯就排當絲緡穿圓勻青碧鏤連駢交網珊  
詰屈畫象籀居然謝機絞竟爾割領袖蛇蛻蘚皮斑螺旋已  
字湊匝匝瓜蔓纏乙乙筋絡瘦袒肉露空嵌虛襟掣罅漏袂

搖寒吹繁汗潤踈雨逗滑澹澣卽乾森挺摺不皺適意肯迂  
今猿心或拙舊嘅想生民初草衣一頑秀取足掩脛骭自然  
躋仁壽要其閎淳風曾未洩靈寶不然易地處奇衰無不售  
萬物被翦裁翻足薄綺繡蒙莊契鴻荒眇論取馳驟時哉聖  
人旨質文有其候

謝自然仙去後答昌黎

學得長生歛翠蛾耳中仙樂韻笙歌驂鸞我豈傳聞妄磨蝸  
公將奈老何露幔雲窗誰恍惚文狸山鬼託譏訶憐他三十  
年來事只望兒曹富貴多

蘇文忠公鹽官絕句殘刻藏陳簡莊孝廉家

老雞不啼雙檜枯應真骨相纏青蕪當時此詩無此刻風輪

小劫千年徂華嚴法界妙文字定有神物訶樵蘇煙霾雨蝕  
暗溝出四十五字沙痕龜略從詰屈辨跟肘身輕一鳥誰能  
摹離離嘉卉態偃蹇娟娟缺月痕模糊邯鄲十五復歸我吾  
鄉健者陳與吳

兔牀先生別摹一本  
巖安國寺壁

先生判杭歲壬子熙寧役

法多亡逋勸農冠蓋至海上有此閒逸尋浮屠僧爽何人類  
近道髣髴亦琴聰蜜殊輦車不勞萬牛挽所怪流落城南隅  
吳山掘處郡治近有美堂左江右湖通守書可太守可年月  
穿鑿都無須應官聽鼓賢不免蹉跎或者因牽拘蒼龍螯龍  
况一例批引鱗甲搜牙鬚著雍執徐夏月且歡喜贊歎璠與  
瑜冬讀書堂拓萬本孝廉方正鱣仲魚

### 水榭絕句

清簾踈簾坐未還  
寶洲向晚雨斑斑  
一螢開闌青林外  
獨自吹燈看夜山  
閒支翠幌午陰長  
睡起煙雲滿筆牀  
欲寫風痕無處著  
鷺鷥頂上一絲涼

海仙謠

晶圓涼館浮如萍  
蟾魄不死亦不生  
隋珠銜壁羞明燭  
澡水盤螭頭角綠  
錢唐女君騎白羊  
從者玉鴈金鳬翔  
小年愛倚靈槎看  
詭譎神沙迴北岸  
熬波萬籠紅鹽紅  
牢盆燒入馮夷宮  
雲婷霧裊翩然起  
龍媼無言魚婢喜  
雷車閤咽東海涯  
明朝去拘扶桑花

柳如是墓在虞山拂水巖下陳雲伯大令立石表之

上公巾拂許君持太息鐘鳴漏盡時  
邵老彭錢無上藥變名  
自傳有楊枝荷衣詭著奇男服網戶愁牽縊女絲了了去來  
無住相我聞丈室早參知

華屋山邱客感紛北山樵牧異傳聞年深僅辨清娛壙草漫  
猶疑真漢君僂鉢照殘禪月影鬼車啼破尙湖雲一行短碣  
河東字湛寂光中弔夕曛

避暑真武道院和榕園

塢深花院澹聞香殿角流鈴送早涼風約老蟬喧別樹竹圍  
秋夢麕閑房坐無常主開尊待詩好傳觀健步忙料理浮瓜  
沉李事碧雞道士亦清狂

天門引爲犀泉題琴高赤鯉卷卽送秋試



天門引闕然虬戶燭九垓搖山樂風含清鈞神人銜索通帝  
夢應龍矯羽歸西崑文鰐東游看日出鱣魚下戲詹何綸河  
伯望洋慙有泚道逢盧敖揖若士搏桑九枝紅照水三十六  
鱗撇波起翩然舉袂謝羣仙吞吐滄瀾一萬里瓊華之屋靈  
香梯中有盛鬢名常儀老龍水下作人語海水凍合青玻瓈  
百蟲將軍走且僵赤鯁夜識珊瑚光東尋岱輿西積玉此魚  
他日無相忘

題王稼洲秋林覓句圖

好句如秋葉翩然墮夕煙商量飛鳥字跌宕蹇驢年林影支  
孤策嵐光潑矮牋况聞王伯厚困學有遺編

問方校刊  
尊甫撰著